

## **Meje Po Carte Cotacaya Pedro Tatina, Pomonae Jesucristo Pejume Cowantsiwi Tatinatsi**

*Meje yabara poxonae Pedro tamropata pitaba xua tatina pomonaetha pomonae Jesucristo pejume cowantsiwichi*

<sup>1</sup> Xan, Simón Pedro, pon Jesucristo amanaya tanacuitan. Xan ponxaein Jesucristo pia peitorobi jiwi jiwana tatsin. Pacata tinatsi barapo carte painya nexeiaexae xua pejume cowantsiwa Jesucristo xua bichocono wnae icha paxan paichin. Barapo pejume cowantsi coyenewa Nacom werena pichapa, pon bichocono pejuntũ coyene xanepanaewa pexeinaein. Yawano barapo pejume cowantsi coyenewa Jesucristo werena pichapa pon irũ bichocono pejuntũ coyene xanepanaewa pexeinaein. Bapon jiwi Pecapanenebiyaein abe pia peexanae cuiru coyenein weya. <sup>2</sup> Barabũ Nacom paca yawenaena pia paca necaantobexae. Yawano barabũ Nacom paca catsina juntema pejinompae coyenewa. Barabũ barapo naxobe coyenewabe bichocono paxeinaponaename xua poxonae payabara yaputaeponaename Nacom xuano xua payabara yaputaeponaename Jesucristo pon Wanacanamataxeinaein.

*Meje yabara pocotsi coyenewano bewa exanaena Cristo piamonae tatsi*

<sup>3</sup> Nacom naca cata daxita pocotsiwa nantawenonatsi xua j̄ntema wajinompae-wanexa yawa xua xanepanaya wajinompae-nexa Nacom nexa. Daxita baxuan Nacom naca cata pia peayapus̄ itorobi coyenewatha. Poxonae yabara yaputaeponaeinchi Nacom, nacuidubatsi xua bapon naca waba xua ir̄ waxeinaenexa peainya cui coyenewa, xuano xua ir̄ waxeinaenexa Nacom pia pexeinya peexanae coyenewa. <sup>4</sup> Poxonae Nacom naca cata pia peainya cui coyenewa, yawano pia pexeinya peexanae coyenewa bapoxonae nama naca cata pia peyabara naca tsiw̄nae muxu dutsiwan. Nacom pia peyabara naca tsiw̄nae muxu dutsiwan bichocono ainya cui xua jiwi jopa itac̄paetsi xua pecomotsiwa. Barapo peyabara naca tsiw̄nae muxu dutsiwan painya necacatsixae anoxuae paxeiname xua Nacom pia peaj̄nt̄yapus̄wa xua jopa weraweracaeyo. Yawano barapo peyabara naca tsiw̄nae muxu dutsiwan painya nexei-naexae paca itac̄pa xua papanenebiyam abe painya neexanae cuiru coyenewa weya xua barapo cae pin nacuathepiwi po coyene ichichipa abe exana. <sup>5-7</sup> Bequein pajume cow̄ntame ichitha panantawenoname xua muxuna paexaname xua beta painya nejinompae coyenewan. Poxonae beta pajinompame, bapoxonae panantawenoname xua muxuna paexaname xua Nacom payabara yaputaneme. Poxonae Nacom payabara yaputaneme, bapoxonae panantawenoname xua muxuna paexaname xua painya coutha pana nenaj̄nt̄ coyene itorobiwam. Poxonae

painya coutha pana najuntũ coyene itorobame, bapoxonae panantawenoname xua muxuna paexaname xua jũntema pajinompame bequein ichamonae abe pacata exana. Poxonae jũntema pajinompame xua bequein ichamonae abe pacata exana, bapoxonae panantawenoname xua muxuna paexaname xua paantobeya jinompame Nacom. Poxonae paantobeya jinompame Nacom bapoxonae panantawenoname xua muxuna paexaname xua paantobem pomonae pejume cowũntsiwi Jesucristo. Poxonae paantobem pomonae pejume cowũntsiwi Jesucristo, bapoxonae panantawenoname xua muxuna paexaname xua paantobem daxita jiwi.

<sup>8</sup> Icha paxeiame daxita barapo coyenewan yawa xua paexanaponame daxita baxuan bapoxonae beta painya neexanae jiwi pam tsane Nacom nexa. Yawano beta payabara yaputaneme Jesucristo pon Wanacanamataxeinaein. <sup>9</sup> Ichitha icha pebin jopa yabara exanaeyo barapo coyenein, bapon be pon naita tsaqueta poxoru jopa ichipaeyo xua peyabara yaputaewa barapo coyene. Daxota bapon jũntemaina xua bayatha wejũntemaina exanatsi abe pia peexanae cuiru coyenewan tatsi xua Nacom wejũntemaina exana. <sup>10</sup> Tamonae pam paxam pomonae be tayapin jiwi tapaca canatsicotae jiwichi pam irũũ painya nejume cowũntsixae Jesucristo. Daxota paca tsipaebatsi xua xaniwaicha pana naexande xua daxota patsita itũtsiname xua paxam pomonae Nacom pia pewabiwi tatsi jiwana pam. Yawano paxam pomonae Nacom pia peitapetsiwi tatsi jiwana pam. Poxonae

baxuan paexanaponaename jopa equeicha abe paexanaem tsane po coyene xua daxota paitawetame Nacom. <sup>11</sup> Bapoxonae Nacom bara paca matenta weiweinaya copata xua painya nepatsinexa tsane Nacom pia peitorobi nacua beicha tatsi. Nacom pia peitorobi nacua ataya ayapus<sub>u</sub> tsoponae ichaxota Jesucristo jiwi itorobiya ewatatsi, pon Wanacanamataxeinaein, xua pon Pecapanenebiyaein jiwi.

<sup>12</sup> Bequein baxua bayatha payaputaneme, ichitha equeicha paca tsipaebatsi xua jopa painya j<sub>u</sub>ntemainaenexa. Anoxuae paxam aj<sub>u</sub>nt<sub>u</sub>ayapus<sub>u</sub>ya pajume cow<sub>u</sub>ntame pexainyei jume Jesucristo yabara. <sup>13</sup> Poxonae cataunxuae poponan yabara nanta xeinan xua ainya cui xua baxuan yabara tapata catsipaebiwa tsainchi. <sup>14</sup> Yaputan tsipei Jesucristo, pon Wanacanamataxeinaein, netsipaeba xua bara nama imoxoyo t<sub>u</sub>paein. <sup>15</sup> Daxota xaniwaicha pacata tinatsi xua baxuan jopa yabara painya nej<sub>u</sub>ntemainaewa tsane poxonae t<sub>u</sub>paein. Bapoxonae bexa tsane pana necui yabara j<sub>u</sub>ntanainaename pocotsiwan yabara paca tsiw<sub>u</sub>nae muxu dutatsi.

*Meje yabara xua pomonae tane Cristo pia peainya cui coyenewa tatsi*

<sup>16</sup> Poxonae paxan paca tsipaebatsi Jesucristo pia peayapus<sub>u</sub> itorobi coyenewatha yawano xua pepatopeicaewa yabara pon Wanacanamataxeinaein, apara jopa paca tsipaebichi po diwesi pej<sub>u</sub>mai diwesi po diwesi xua saya jiwi paeba. Bara pana natan Jesucristo pia pexeinya peit<sub>u</sub>panae

coicha tatsi pon jiwi Pecanamataxeinaein. <sup>17</sup> Pana natan poxonae Jesucristo ainya cui exanatsi xua Nacom Pexanto ainya cui exana, pon Jesucristo Paxa tatsi. Yawa pana natan xua Nacom Pexanto cata pexeinya peitapanae coicha. Bapoxonae Nacom pejume pajume tan pexeinya peayapusu jume, jeye: “Bapon apara Taxanto, pon bichocono antobein, pon itapetan. Bapon bichocono nejuntu coyene weiweina exana”, jei Nacom. <sup>18</sup> Paxan baxua pajume tan xua Nacom cueicueijeji peitaboco wetsica poxonae Jesucristo pon jiwi Pecanamataxeinaein demxuwatha pana nebaru pona po demxuwa ichaxota Nacom cueicueijeji itaboco wetsica.

<sup>19</sup> Daxita baxuan naca yawena po diwesin xua Nacom pia peitorobi jume pepaebiwi tina xua barapo diwesin pexainyei jume diwesin. Pajume naitaeware pocotsiwan xua barapomonae paeba, beya poxonae yatsicaewa payaputaename pocotsiwa barapomonae paeba. Barapo pejumein jume xanepana. Bichocono naca yawena icha pecoicha ichi xua pentha exana poxonae quirei xua ba naca yawena. Barapo pecoicha waxainchi jopa nantawenonaetsi poxonae jarawato ecoina xuano poxonae matabi pentha tsina. Barichi poxonae Jesucristo patopaetsica jopa cana matawenonae tsainchi barapo diwesin tsipei bayatha patopeicaena Jesucristo. <sup>20</sup> Matha copiya bewa payaputaem xua meje: Nacom pia peitorobi jume diwesitha dapu jumein aibi pocotsiwa pia coya ichichipa paeba barapo Nacom pia peitorobi jume pepaebiwi. <sup>21</sup> Tsipei Nacom pia peitorobi jume pepaebiwi jopa cueicueijejiyo pocotsiwa

ichichipa pia coutha paeba xua poxonae tina Nacom Pejume Diwesi. Ichitha barapomonae tatina pocotsiwa Nacom ichichipa, xua Nacom pia Peju-mope tñaxu tatsi peitorobixae.

## 2

*Meje yabara xua pomonae naerabiya pecuidubi jiwí*

<sup>1</sup> Caena bayatha israelmonae jiwana jinompa pomonae naerabiya peitorobi jume diwesi pepaebiwi. Barichi painya xantha patsina pomonae naerabiya pecuidubi jiwí. Barapomonae cuidubina po diwesin xua paca weraweraca exanaena. Barapomonae nameicha nacuita xua naerabiya paca cuiduba. Pon jiwí pia Pecanamataxeinaeinchi pon Jesucristo, barapomonae itawetsinchi xua Jesucristo itawetsina, pon xua bayatha barapomonae tsitapatsi. Nacom nainya weraweraca exanaena barapomonae, abe peexanaexae. <sup>2</sup> Pin bicheitomonaexanaena xua abe exana pocotsiwa xua barapomonae cuiduba pomonae naerabiya pecuidubi jiwí. Barapomonae pomonae naerabiya pecuidubi jiwí naerabiya pecuidubixae tsane pin bicheito abe yabara paebiya exanaena pocotsiwa Nacom pia pexainyei jume diwesi tatsi. <sup>3</sup> Barapomonae paca muxuitorobina nawita, yawano paca itorobina xua painyamonae amanaya paitorobiname pedoutsinexa paratixi barapomonaetha pomonae naerabiya pecuidubi jiwí. Ichitha caena bayatha Nacom yabara paeba barapomonae, jeye: “Barapomonae bichocono abe peexanae

jiwi, daxota bewa werapaena tsipei bichocono abe peexanaexae”, jei Nacom.

<sup>4</sup>Nacom bayatha jopa yabara juntemainaeyo po peabe coyenewan matatsunpiwi exana. Ichitha Nacom bebai ichaxota be pucua xua isoto xua jopa itacounayiyo. Yawano Nacom napenta exana peita quirei nacuatha beya poxonae barapo matatsunpiwi umenaena Nacom peitabaratha poxonae po mataqueitha Nacom yabara pae-bina daxita jiwi xua penatsicuentsiwa xua abe peexanaexae. <sup>5</sup> Barichi Nacom jopa bayatha yabara juntemainaeyo po peabe coyenewa jiwi exana pomonae caena bayatha jinompa. Barapo matabintha Nacom itoroba pin awabo xua bunothopa peexanaenexa pomonae abe peexanae jiwi. Meisa saya Noé irano piamonae tatsi xua siete poyobe tatsi daxita barapoyobe capanenebiyatsi barapo awabotha. Barapon Noé cuiduba jiwitha xua jiwi bewa juntu coyene xanepanaya jinompaena Nacomtha. <sup>6</sup> Pomonae Sodoma tomarapiwi irano Gomorra tomarapiwino, barapomonae abe peexanaewi. Barapo tomarabemonae yawa tomarabe Nacom yabara paeba xua pinae abe exana daxota Nacom weraweraca exana isototha beya poxonae daxita saya u ipunan naexana. Barapo coyenein Nacom tsita ituta xua bapon bexa jupa exanaena pomonaeintha pomonae abe exana dubenanaebiya. <sup>7</sup> Ichitha meisa saya Nacom capanepa barapo pin isoto weya pon pewun Lot. Bapon Lot pejuntu coyene xanepanaein Nacomtha. Lot cuitaya unthathu deideijeji pocotsiwa jiwi abe exana.

8 Bapon Lot, pon peꝓntꝓ coyene xanepanaein Nacomtha, barꝓ poꝓona pomonaē peajꝓntꝓcoyenebe jiwi. Daxita matabi bapon bichocono antheꝓhꝓtane xua peꝓntꝓ coyene xanepanaexae Nacomtha xua poꝓonaē bapon taiba yawano xua poꝓonaē jume taiba xua jiwi abe exaneiba. 9 Ichitha Nacom pon jiwi Pecanamataxeinaein yaputane xua peyawenaewa pomonaē peantobewixaetsi poꝓonaē barapomonaē bichocono jꝓntꝓ coyene jꝓꝓteibatsi caurimonaē pia pentacaponaein tatsi. Yawano Nacom yaputane xua atene peexanaewa pomonaetha pomonaē jopa pejume cowꝓntsiwichi. Nacom baxua exanaena beya abꝓ poꝓonaē barapomonaē umenaena Nacom peitabaratha poꝓonaē Nacom yabara paebina daxita jiwi xua penatsicuentsiwa xua abe peexanaexae. 10 Pomonaē xua abe exana pocotsiwa xua saya jiwi ichichipa exana yawano aichaxaibi exana pocotsiwa pon jiwi Pecanamataxeinaein itoroba daxita barapomonaē Nacom atene exanaena. Barapomonaē bichocono atsaca yawa ichamonaē aebatsino. Jopa junuwiyo xua abe peyabara paebiwa xua matatsunpiwi abe peyabara paebiwatsi. 11 Matatsunpiwi xeina peayapꝓꝓwa yawano xeina peitorobi coyenewa xua beyacaincha pomonaē naerabiya pecuidubi jiwi. Ichitha barapo matatsunpiwi jopa abe yabara paebiyo xua barapomonaē pomonaē naerabiya pecuidubi jiwi poꝓonaē barapo matatsunpiwi cueicueijeji tsumenaē Nacom peitabara tatsi, pon jiwi Pecanamataxeinaein.



<sup>12</sup> Barapomonaē pomonaē abe peyabara paebi jiwi, barapomonaē exana xua icha duwei ichi, xua duwei ba jopa beta nanta xeinaeyo, xua ba saya jiwi tsicobe naexanatsi xua jiwi peteicaenexa yawa pebexubinexa pexaenexa. Barapo pebiwi abe yabara paeba pocotsiwa jopa yaputaeyo. Barapomonaē werapaena pia abewantha icha duwei icha xua werapa. <sup>13</sup> Barapomonaē xuya atene tsane abe peexanaexae ichamon-aetha. Barapomonaē jopa auriyo xua abe peexanaewa mataqueitha. Barapomonaē paca muxutoroba abe peexanaexae bequein naxaiba ponaē pin penabanaewan paexaneibame. Ichamonae paca abe yabara paeba abe peexanaexae barapomonaē yawa aura paca necaexanaexae.

<sup>14</sup> Barapomonaē ichichipa nawita xua peyacaibiwa yabuxi daxita xua powaxi taiba. Jopa juniya abe eexanaponaeyo xua abe exana. Barapomonaē nantahta pia pepuna ponaewichi pomonaē pejuntū coyene faefaenaewi Nacomtha. Barapomonaē ichichi xeica nawita pocotsiwan xua tane daxita. Barapomonaē yacuiya naexana xua abe peexanaewa. Daxota barapomonaē Nacom bichocono atene cana exanaena.

<sup>15</sup> Barapomonaē jopa Nacom yabara yaputaetsi pejume naitematsixae po coyene xua Nacom pejuntū coyene xanepana exanaewa barapomonaē. Barapomonaē barapo canahta jutsiya eexanapona icha Balaam ichi xua pocotsiwa exana. Bapon caena bayatha popona. Bapon Balaam, Beor pexanto tatsi. Bapon Balaam abe exana pexeinaenexa paratixi. <sup>16</sup> Balaam pon naerabiya peitorobi

jume diwesi pepaebin, poxonae ichichipa abe peexanaewa, cui matawentatsi xua abe exana. Po duwein pewan burra, bapon cui matawenta, Balaam cui matawentatsi. Burra cueicueijeji icha jiton ichi, xua saya jiton cueicueijeji. Barapo duwein jopa copatsiyo xua Balaam abe peexanaponaewa xua exanapona icha be ichi xua exanapona pon pematajemabinchi. Daxota Balaam cui matawentatsi poxonae ichichipa abe peexanaponaewa.

<sup>17</sup> Barapo pebiwi po pebiwi naerabiya pecuidubi jiwi, jopa yawenaeyo ichamonaetha, icha be feto mene ichi xua weitha bichocono ameneibi xua ba jiwi jopa yawenaetsi. Yawano barapomonae icha be tsaquinaebowa ichi xua ba saya dubenapona xua joibo capana, xua ba cuinaya jopa duneicaeyo, yawano xua ba jiwi jopa yawenaetsi xua peruneicaenexa. Nacom itaweta barapomonae xua barapomonae itawetatsi ichaxota ataya pejinompaenexa peita quirei nacuatha. <sup>18</sup> Barapomonae bichocono atsaca poxonae cueicueijeji. Yawano barapomonae pia jume, barapo jume jopa jiwi yawenaetsi. Yawano barapomonae naemata jume wanaeya tsipaeba pomonaetha pomonae aena pejume cowantsi jiwi Jesucristo xua barapomonae iru abe peexanaenexa pocotsiwa bequein barapomonae aichaxaibi exana xua jiwi pia cui coyenewa tatsi xua pocotsiwa bayatha copiya exana xua abe. <sup>19</sup> Barapomonae wanae tsimuxu duta ichamonaetha xua ichamonaetha beta pejinompaenexa. Ichitha barapomonae pia coutha exana be pomonaetha xua caurimonaetha pia

pentacoponaein tatsi amanaya petanacuitsiwatsi. Tsipei daxita jiwi pia cui xeina xua barompaya amanaya tanacuita pontha xua bara copata xua bara juntu coyene itorobatsi. <sup>20</sup> Barapo cae pin nacuathe ichamonae jinompa pomonae capanenebiyatsi abe pia peexanae cuiru coyenein weya xua po abe peexanae cuiru coyene po cae pin nacuathepiwi exana. Barapomonae baxua exana poxonae jume cowanta Jesucristo, pon jiwi Pecanamataxeinaein, xuano xua pon jiwi Pecapanenebiyaein. Ichitha icha barapomonae equeicha abe exana xuano xua icha awiya exana dubenanaebiya baxuan, bapoxonae barapomonae bichocono abe beyacaincha xua poxonae copiya exana xua pewnaeya poxonae jume cowanta Jesucristo. <sup>21</sup> Icha barapomonae jume cowanta yawano icha penta Nacom peitorobi coyenewa, bapoxonae barapomonae bichocono abe exana Nacomtha. Ichitha icha barapomonae copiyatha jopa jume taetsipae barapo peitorobi coyenewa, bapoxonae barapomonae saya be conotha abe exanaetsipa Nacomtha. Ichitha poxoru barapomonae pejume taexae barapo peitorobi jume yawa pejume cowantsixae, daxota barapomonae Nacom bichocono atene cana exana, beyacaincha xua poxonae jopa jume taeyo barapo diwesi. <sup>22</sup> Barapomonae equeicha caewa yabara jume cuiya exana xua abe exana po coyenein bequein copitha nacui barapenta. Bara barapomonae nacui yabara jume weta xua po tsica diwesiyotha jeye: “Auri ba xua nacabeta iratha equeicha caewa xane. Bequein marrano ba matawainchi

pemene itaranae meratha ichitha equeicha caewa nairainyaba xota tsorei”, jei tsica diwesiyo xua Nacom Pejume Diwesitha paeba.

### 3

*Meje yabara xua Jesucristo equeicha pia pepatopeicaewa tsica tsane*

<sup>1</sup> Tamonae pam, pomonae tapaca caantobewichi pam, iru painya nejume cowuntsixae Jesucristo. Ainya cartabe pacata tinatsi. Barapo carte, po carte cotacaya tinan xua barapo ainya cartabe. Barapo ainya cartabetha ichipan xua beta painya neyabara nanta xeinaewa tsane pocotsiwan xua paca tsipaebatsi. <sup>2</sup> Pananta xeinare pocotsiwa xua Nacom pia peitorobi jume pepaebiwi paeba poxonae caena bayatha. Yawano jopa pajuntemainaeinde po peitorobi coyenewa naca cuiduba Jesucristo pia peitorobi jiwu tatsi. Barapo peitorobi coyenewa Cristo pon jiwu Pecanamataxeinaein xuano xua pon jiwu Pecapanenebiyaein pia peitorobi coyenewa tatsi.

<sup>3</sup> Copiya matha pananta xeinare xua meje: Pewunaeya poxonae po matcabitha Nacom ira weraweraca exanaena, barapo matcabitha patsina jiwu xua po jiwu cui capanaena pocotsiwa Nacom pia pejume xainyeiwa tatsi. Barapomonae exanaena pocotsiwa saya ichichipa xua abe exana. <sup>4</sup> Barapomonae yainyabiya jei tsane xua Cristo yabara: “Bapon bayatha paca tsiwunaey muxu duta xua equeicha patopaetsica. ¿Eta xua metha awiya bapon pawunaey ewatame bara jopa patopeicaeyoba? ¿Incane bapon? Bequein

wamo susato jiwi jume cowanta xua pinae bapon patopaetsica ichitha jopa daichiyo beya nama poxonae barapomonae werapa cataunxuae bapon jopa patopaeyo. Bara saya jujrapona wanacuatha xua bapon jopa patopeicaeyo xua poxonae Nacom nacua forota beya anoxuae”, jei tsane barapomonae. <sup>5</sup> Ichitha barapomonae jopa ichipaeyo xua yabara jume jantanaina xua caena bayatha Nacom pepaebixae daxota itaboco ducua xua caena bayatha yawa xua ira exana poxonae mene buxupana weyotsina. Barapo ira Nacom mentha exana. <sup>6</sup> Yawano barapomonae jopa ichipaeyo xua jantanaina xua caena bayatha xua poxonae Noé popona Nacom itoroba pin awubo xua equeicha ira mene buxupana boca yawa xua daxita pocotsiwa barapo iratha weraweraca. <sup>7</sup> Ichitha barapo itaboco xua anoxuae tainchi yawa ira xua ichaxota anoxuae jinompatsi Nacom dubena exana daxita baxuan poxonae Nacom cueicueijeji pia peayapusu itorobi coyenewatha. Nacom baxuan duba beya abu poxonae weraweraca exanaena daxita baxuan pin isototha barapo pia peayapusu itorobi coyenewatha. Baraxuan Nacom weraweraca exanaena daxita poxonae po mataqueitha Nacom yabara paebina daxita jiwi xua penatsicuentsiwa xua abe peexanaexae.

<sup>8</sup> Tamonaе pam pomonaе tapaca caantobe-wichi pam, iru painya nejume cowantsi jiwixae Jesucristo. Jopa pajantemainaеinde po coyene xua daxita bara Nacom tsita najupatsi pon jiwi Pecanamataxeinaein. Caentacabi tsita najupatsi xua mil po weibe. Matautano mil po weibe Na-

com tsita najupatsi xua caentacabi. Bequein mil po weibe bichocono ainya wei ichitha Nacom saya be tsita caetotsi. <sup>9</sup> Nacom jopa apara bewayo exanaeyo pocotsiwa yabara naca tsiwunaee muxu duta bequein ichamonaee nanta xeina xua Nacom jopa nainya exaneibiyo. Ichitha Nacom jopa aitaconaeyo daxota paca ewata painya ne-jume cowuntsinexa. Bapon ichichipa xua dapon aibi tsane pon weraweracaena. Jame Nacom ichichipa xua maisa daxita jiwi peuraneixa tsane abe peexanaexae xua icha juntu coyene pexeinaenexa tsane po juntu coyenein xua Nacom tsita xanepanatsi.

<sup>10</sup> Ichitha po mataqueitha pon jiwi Pecanamataxeinaein patopaetsica barapo matabitha jiwi jopa wunaee ewatsi tsane. Bapon pon Wanacanamataxeinaein jemeicha patopeicaena icha be ichi pon pecaibin xua poxonaee namicha patopa. Peitaboco weraweracaena poxonaee pin busi tsurucuae tsane. Jomocoichato, xometono, opiteino, daxita baxuan tautinchi isototha. Yawa barapo ira tautinchi, yawano muxuna tautinchi xua barapo iratha xeina.

<sup>11</sup> Tsipei daxita baxuan tautinchi daxota bewa pajinompaeem be pomonaee pejuntu coyene xanepanaewi Nacomtha pomonaee jopa Nacom tsita xeinaetsi penatsicuentsiwa xua abe peexanaexae. Beta pajinompare icha Nacom ichi xua beta popona. <sup>12</sup> Paeware xua po mataqueitha daxita Nacom wetsina. Yawano paexande pocotsiwa xua yawenatsi xua pepatopeicaewa tsane bichoina barapo matabi.

Barapo mataqueitha itaboco tautsina isototha. Jomocoichato, xometono, opiteino, daxita baxuan tautsina pin isototha. <sup>13</sup> Ichitha waxainchi ewatatsi xua Nacom nacata exanaena pena ira yawa pena itaboco xua bayatha Nacom yabara naca tsiw<sub>u</sub>nae muxu duta. Barapo pena ira yawa barapo pena itaboco daxita w<sub>u</sub>nae exanaena pocotsiwa pexainyeiwanexa tsane.

<sup>14</sup> Tamonae pam, pomonae tapaca caantobewichi pam, ir<sub>u</sub> painya nejume cow<sub>u</sub>ntsixae Jesucristo. Paca tsipaebatsi baxua xua daxota poxonae cataunxuae paewatame baxuan, xua pocotsiwa Nacom exanaena bara beta paexande. Bapoxonae Nacom paca caxinaena xua j<sub>u</sub>ntema pajinompame, mata<sub>u</sub>tano xua jopa paxeinaem peabe coyenewa painya j<sub>u</sub>nt<sub>u</sub> coyenewatha, yawano xua ichamonae jopa paca yabara paebi tsane xua abe painya neexanaewa.

<sup>15</sup> Yawano payaputaneme xua caena bayatha Nacom pon Wanacanamataxeinaein beitatemaya naca ewata xua wajume cow<sub>u</sub>ntsinexa xua pia wanaca capanenebiyaewa tsane. Yawano ir<sub>u</sub> Pablo baxua yabara pacata tina. Bapon Pablo, pon waantobein, pon ir<sub>u</sub> jume cow<sub>u</sub>ntar<sub>u</sub> Jesucristo. Pablo yaputane exainchi baxuan yabara xua Nacom yaputane exana. <sup>16</sup> Bapon Pablo daxita pia cartantha baxuan yabara paca tsipaeba. Ichitha ichawan daunwei xua painya neyaputaewa. Ichitha pomonae jopa beta peyaputae jiwi ir<sub>u</sub> pomonae pej<sub>u</sub>nt<sub>u</sub> coyene faefaenaewi Nacomtha, barapomonae seicaya toxeinchiya exana pocotsiwan xua Pablo paeba. Barichi yabara jume toxeinchiya exana ichawa

pocotsiwa Nacom Pejume Diwesitha paeba. Barapomonae pia coutha nanatsiexana xua abe exana xua peweraweracaewa tsane, xua Nacom exanaena.

<sup>17</sup> Tamonae pam, pomonae tapaca caantobewichi pam, iru painya nejume cowuntsixae Jesucristo. Painya neyaputaexae baxuan pewunaeya xua Nacom exanaena baxuan, daxota dota pam pomonae abe pacata necaexanae jiji xua jopa paca necantacapanawa tsane. Jopa pacopatsinde xua barapomonae baxua pacata exana xua jopa painya nepentsiwa tsane Nacom.

<sup>18</sup> Bichocono pana najuntu wuna exanaponde Wanacanamateinaein pia peantobewathaxae. Jesucristo beta payabara yaputaeponde, pon Wanacacapanenebiyaein. ¡Barabu bapon ataya xeinaena peainya cui coyenewa anoxuae yawa xua bexa tsaneno! Je bara ichi tsane.

Baja Pedro



**Nacom Pejume Diwesi po diwesi pena jume  
diwesi xua Jesucristo yabara tinatsi  
New Testament in Cuiba**

copyright © 2010 Wycliffe Bible Translators, Inc.

Language: Cuiba

Translation by: Wycliffe Bible Translators, Inc.

**Copyright Information**

© 2010, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

**The New Testament**

in Cuiba

**© 2010, Wycliffe Bible Translators, Inc. All rights reserved.**

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-22

---

PDF generated using Haiola and XeLaTeX on 21 Feb 2024 from source files  
dated 29 Jan 2022

e9c4c3a0-6dec-54a4-aaba-fb395e5eddc7